



## Ned ning sēn rı gēbã maa lay bı a ra kolg tōnd ye - maa a yeelame: bı a ra kolg d miisrã, la a zīnd a zakē

Yii a Gεεbr [bn ‘Abdullaah nengē, (Wënd yard be b yiibã yīnga), tı Nabiyaamã, (Wënd puusg la A tıgr be a yīnga), yeelame: «Ned ning sēn rı gēbã maa lay bı a ra kolg tōnd ye -maa a yeelame: bı a ra kolg d miisrã, la a zīnd a zakē». Ad Nabiyaamã (Wënd puusg la

A tıgr be a yīnga) b waa ne ruk a nengē, tı zē-biis sēn yaa maas be beenē, t'a wum yūug a pugē wã, t'a sok tı b togs-a zē-biis nins sēn be beenē wã, la a yeele: tı b kolg-a a Şahaabsã sãndã sēn da be a nengē, la Nabiyaamã sēn wa n yãnd tı b kiswa a rubã, a yeelame: «Rı-y ad mam sōsda ne yãmb sēn pa sōsd ne».

[Naşun Şahuhun (Gom-sikdem sēn manege)] [B zemsa taab a zugu (A Al-Buħariy la a Muslim n reeg-a)]

Nabiyaamã gıdgame (Wënd puusg la A tıgr be a yīnga) tı b wãb lay maa gēba la b wat miisrē wã, sēn na yı l n ra nams a ma-biisi, neb nins sēn wat zamã wã Puusgã ne a b yūugã, la yēnda yaa gıdgr sēn pa tılae tı b ra wa miisrē wã ye, la b ka gıdgd tı b ra rı b yiibã ye, bala b yaa halaale, la sıd la hakıka, b waa (Wënd puusg la A tıgr be a yīnga) nengē, ne ruk zē-bi-maas sēn be a pugē, la a sēn wa n yōbs a yūuga tı b togs-a bũmb ninga sēn be a pugē wã, a ka rı ye, la a kolg-a-la ne a Şahaabsã sãndã tı b rı-a, tı yēndã me kışg n na n rı-a tı yaa Nabiyaamã togsgo, la Nabiyaamã (Wënd puusg la A tıgr be a yīnga) sēn yãnd-a, a yeelame: rı, tı ad mam sōsda ne malegsã Wahı wã yīnga. La Nabiyaamã kōo kibare (Wënd puusg la A tıgr be a yīnga) tı ad malegsã namsda ne yū-yooko, wala nebã sēn namsd ne-a wã.

<https://sunnah.global/hadeeth/mos/show/4850>

